

### চট্টগ্রাম শিক্ষাবোর্ড চেয়ারম্যানকে পিস্তল ঠেকিয়ে সাদা কাগজে স্বাক্ষর আদায়

চবি সংবাদদাতা ॥ চট্টগ্রাম শিক্ষাবোর্ড চেয়ারম্যান অধ্যাপক আহমদ হোসেনের কোমরে অস্ত্র ঠেকিয়ে সাদা কাগজে স্বাক্ষর আদায় করা হয়েছে। শিক্ষাবোর্ড থেকে সাময়িক বরখাস্তকৃত কর্মচারী সংসদের নেতা জাহেদ হোসেনসহ ২ জনের বরখাস্ত আদেশ প্রত্যাহারের জন্যই এই স্বাক্ষর আদায় করা হয়েছে বলে বোর্ড চেয়ারম্যান অভিযোগ করেন। বৃহস্পতিবার রাত ৮টায় নগরীর কাজীর দেউড়ি এলাকায় এ ঘটনা ঘটে। শিক্ষাবোর্ড চেয়ারম্যান ঐ সময় বোর্ডের অপর এক কর্মকর্তার বাসভবনে দাওয়াতে যাচ্ছিলেন। এ ব্যাপারে তিনি কোতোয়ালি থানায় জননিরাপত্তা আইনে মামলা করেন। এদিকে বোর্ড চেয়ারম্যান বরখাস্তকৃত কর্মচারীরা শিক্ষাবোর্ডে ব্যাপক গোলযোগ, ভাংচুর ও সম্পদহানির আশঙ্কা করছেন। তিনি বোর্ড ভবনে পুলিশ মোতায়েনের দাবি জানিয়েছেন।